

cum dilectione Dei dilectio proximi copulata intime esset, ex eaque dimanaret. Eamque ob causam & Christus, summam legis, seu, ut cum Pufendorffio loquar, legem fundamentalem iuris diuini propositurus, non dicit: dilige proximum tuum: sed: * dilige Dominum DEum ex toto corde tuo, & ex tota anima tua, & ex totis viribus tuis, quod addo ex Luca, & ex tota mente tua: hoc est primum & magnum praeceptum: secundum autem simile est huic: dilige proximum tuum, sicut te ipsum. Ab istis duobus praeceptis tota lex & Vates pendent. Hoc ergo si sequendum est exemplum, officia in Deum & homines dirimenda non sunt, sed indissolubili vinculo combinanda, & haec ex illis duducenda.

§. 10. Si autem penitius rem introspiciam, & expendam, affirmare tantum non ausim, socialitatem ne pertinere quidem ad id, quod erga alios iustum est, sed ad honestum. Per eam enim ex mente Pufendorffii ** inuitur eiusmodi dispositio hominis erga quemuis hominem, per quam ipsi beneuolentia, pace & charitate, mutuaque adeo obligatione coniunctus intelligitur, ab eaque non multum differt Cumberlandi lex de studio communis boni, & exercenda erga omnes charitate, quantum fieri potest, maxima. *** Iam vero iustum non ex impulsu aliquo amoris, sed ex rigida obligatione ad legem profiscitur superioris, ita ut si id non fecerimus, grauem poenam meruisse, si autem fecerimus, debitum praestitisse officium censeamur. Quod uti spectat ad conseruationem nostram, cum sine eo saluis nobis haut liceat esse, ita si ampliorem reddamus felicitatem nostram, veramque animi tranquillitatem augeamus magis, exuberantia legitimi amoris ulterius progrediendo, quam quo lege ad-

B 2

strin-

* *Matth. XXII, 37. ff.*

** *De I. N. & G. II, 3, 15. p. 208. §. 18. p. 214. communem amorem vocat.*

*** *ibid. pag. 210.*